



ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ- 0070-21

Ձեռնարկողը՝

«Գազոյլ» ՍՊԸ

Լոռու մարզ Գոգավան համայնք

Գործունեությունը՝

Սարչապետ համայնքի Գոգավան բնակավայրի 1-ին փողոցի
թիվ 10/5 հասցեում նախատեսվող բազմափառելիքային
լցակայանի կառուցման շրջակա միջավայրի վրա
ազդեցության գնահատման հաշվերվություն

Լոռու մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Գ. Գևորգյան

Առդիր եզրակացությունը՝ 6 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ 0070-21

«05» 04/2021թ.

Լոռու մարզի Սարչապետ համայնքի Գոգավան բնակավայրի 1-ին փողոցի 10/5 հասցեում նախատեսվող բազմավառելիքային լցակայանի կառուցման շրջակա միջավայրի վրա ազդեցության գնահատման հաշվետվություն

Ձեռնարկող՝

«Գազոյլ» ՍՊԸ

Ներկայացված նյութեր՝

Շրջակա միջավայրի ազդեցության
գնահատման հաշվետվություն /ՇՄԱԳ/

Գործունեության տեսակը՝

Բ կատեգորիա

Տեղարման վայրը՝

Լոռու մարզի Սարչապետ համայնք
Գոգավան գյուղի 1-ին փողոցի 10/5

Ներածական մաս. «Գազոյլ» ՍՊ ընկերության կողմից Լոռու մարզի Սարչապետ համայնքի Գոգավան բնակավայրի 1-ին փողոցի 10/5 հասցեում նախատեսվում է բազմավառելիքային լցակայանի կառուցում:

Համաձայն գնահատման հաշվետվության և աշխատանքային նախագծերի՝ նախատեսվող բազմավառելիքային լցակայանը կառուցվելու է անշարժ գույքի սեփականության իրավունք ունեցող 8575քմ ընդհանուր մակերեսով տարածքում՝ Լոռու մարզի Սարչապետ համայնքի կողմից տրամադրված ճարտարապետահատակագծային առաջադրանքի հիման վրա:

Նախատեսվող գործունեությունը համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի 3-րդ մասի դ) ենթակետի հանդիսանում է Բ կատեգորիայի գործունեության տեսակ:

Նկարագրական մաս. Նախատեսվում է «Գազոյլ» ՍՊ ըկերությանը սեփականության իրավունքով պատկանող բնակավայրերի հասարակական նշանակության չկառուցապատված տարածքում կառուցել բազմավառելիքային՝ բնակավայրի լցակայան, որի անվանումը հետևյալն է՝



վառելիքի լիցքավորման կայան, և էլեկտրոավտոլիցքավորման վահանակ: Առաջարկվող նախագծով բնական գազի ավտոգազալիցքավորման ճնշակայանի շահագործման համար նախատեսված է մեքենայական մասնաշենք. վարչական և հասարակական սպասարկման նշանակության մասնաշենքեր, որոնք ներառում են սպասասրահը, հասարակությանը և սպասարկող անձնակազմի համար սանհանգույցներ, հասարակական սպասարկման՝ սրճարան, առևտրի սրահ և այլն, ինչպես նաև օպերատորական սենյակը:

Նախատեսվող գործունեության տարածքում և մերձակայքում պատմա-մշակութային, բնության հուշարձաններ, հատուկ պահպանվող տարածքներ չկան:

Բոլոր նոր մասնաշենքերի կառուցումը իրականացվելու է ե/բ կրող կոնստրուկցիաներով, քարե պարփակող պատերով: Մեքենայական մասնաշենքի և լցայունների ծածկերը նախատեսված է իրականացնել մետաղական թեթև կոնստրուկցիաներով:

Բնական գազի լցայունների ծածկոցը իրենից ներկայացնում է հատակի նիշից 5.0մ բարձրությամբ թեթև կոնստրուկցիաներից ծածկ, որի հատակագծային լուծումը իրականացված է 4.00մ առանցքային հեռավորությամբ, 5.65 մ երկարությամբ և 2.0 մ բարձրությամբ, միմյանց նկատմամբ զուգահեռ իրականացված, միաձույլ ե/բ 9 հատ բաժանարար պատերից:

Ճնշակայանը ե/բ կրող կոնստրուկցիաներով 13.0 x 9 մ արտաքին չափերով կարկասային շինություն է: Բոլոր շինությունների պարփակող պատերը իրականացվում են ուղիղ կտրվածքի տուֆ քարերի շարվածքով, իսկ ճնշակայանի պարփակող պատերը 200մմ հաստությամբ:

Տանիքը՝ միաթեք է, ծափնակավարամածային կոնստրուկցիաներով, ծածկված տանիքի կղմինդրատիպ փոշեներկված թիթեղով: Ջրահեռացումը արտաքին է և կազմակերպված:

Նախատեսվում են մոնտաժել չորս հատ երկփողանի բնական գազի լցայուններ մեկ ընդհանուր մետաղական ծածկով, ստորգետնյա գազի կուտակիչ հոր $V=400$ լ տարողությամբ:

Հեղուկ գազի լիցքավորման կայանի շահագործման համար նախատեսված է մեկ հատ երկփողանի բաշխիչ, ինչպես նաև $V=10$ խմ տարողությամբ ստորգետնյա հեղուկ գազի գազամբար:

Հեղուկ վառելիքի լիցքավորման կայանի շահագործման համար նախատեսված է մեկ հատ չորս փողանի հեղուկ վառելիքի լցայունակ, (որից երեք հատը բենզին, իսկ մեկ հատը դիզելային վառելիքի համար), ինչպես նաև չորս հատ 10խմ տարողությամբ հեղուկ վառելիքի տարաների համար հոր: Նախատեսվում է նաև ձայնային և լուսային ազդանշանային համակարգերի տեղադրում: Հակահրդեհային պաշտպանությունը իրականացվել է հակահրդեհային հիդրանտների միջոցով: Տարածքում իրականացվում է շանթապաշտպանություն:



- շինարարության ընթացքում օդային ավազան փոշու արտանետումների քանակը նվազեցնելու նպատակով՝ ջրցանում,
- սորուն նյութերի պահեստների ծածկում համապատասխան բարձրության թաղանթով՝ փոշու տարածումը կանխարգելելու նպատակով,
- շինարարական աղբի կուտակում շինարարության փուլում ջրային ռեսուրսն աղտոտումից պահպանելու նպատակով,
- շինարարական տեխնիկայի սպասարկում և կարգաբերում շինհրապարակից դուրս՝ համայնքի տեխսպասարկման կայաններում,
- շինարարական նյութերի և քսայուղերի պահեստավորում բետոնապատ մակերեսների վրա՝ յուղերի տարածումը կանխարգելելու նպատակով,
- շինարարության ընթացքում աշխատանքի անվտանգության և շինարարությանն առնչվող նորմերի պահպանում և այլն:

Շահագործման փուլում հեղուկ գազի, բենզինի և դիզելային վառելիքի լիցքավորման ընթացքում կառաջանան ածխաջրածինների արտանետումներ:

Բնական գազի լիցքավորման ընթացքում արտանետումներ չեն նախատեսվում, քանի որ բոլոր խողովակները միացած են ճնշակների ներքաշման գծին և գազի բոլոր մնացորդային քանակները անմիջապես ներքաշվում են ճնշակի մուտք:

Ածխաջրածինների տարեկան արտանետումները կկազմեն մոտ 0.53 տ:

Արտանետումների ազդեցությունը գնահատելու նպատակով կատարվել են մթնոլորտում դրանց ցրման արդյունքում սպասվող գետնամերձ կոնցենտրացիաների հաշվարկ և արդյունքները համեմատվել են սանիտարական նորմերի հետ:

Մթնոլորտում վնասակար արտանետումների ցրման հաշվարկները կատարվել են համակարգչի վրա, «էոա» ծրագրով: Ըստ այդ հաշվարկների աղտոտվածության առավելագույն մակարդակը գտնվում է թույլատրելի նորմերի սահմաններում:

Շրջակա միջավայրի վրա հնարավոր տնտեսական վնասը հաշվարկվել է՝ շինարարական աշխատանքների փուլում՝ 36600 դրամ, շահագործման փուլ՝ 6700 դրամ:

Պատճառաբանական մաս

Հայտի փորձաքննական գործընթացին մասնակցել են քաղաքաշինության ու անշարժ գույքի կադաստրի կոմիտեների, տարածքային կառավարման, ենթակառուցվածքների, առողջապահության, արտակարգ իրավիճակների նախարարությունների, շրջակա միջավայրի նախարարության համապատասխան ստորաբաժանումները: Գնահատման հաշվետվության լրամշակման ընթացքում հաշվի են առնվել ստացված դիտողություններն ու առաջարկությունները:

Օրենսդրությամբ սահմանված կարգով Լոռու մարզի Սարչապետ համայնքում իրականացվել են հանրային քննարկումներ, որի ընթացքում հանրությունը որոշեց, որ արտահայտվել նախատեսվող գործունեության վերաբերյալ:



Փորձաքննական պահանջներ

1. Շինարարական աշխատանքների իրականացման ընթացքում անհրաժեշտ է հետևել նախնական գնահատման հայտով ամրագրված բնապահպանական միջոցառումների կատարմանը, իսկ դրանց անհնարինության դեպքում նախատեսել լրացուցիչ միջոցառումներ՝ ուղղված բնապահպանական և շինարարական նորմերի պահպանմանը:

2. Նախատեսվող գործունեության իրականացման ընթացքում պահպանել ՀՀՇՆ IV-11.05.02-99 շիննորմերի և 2005 թ. դեկտեմբերի 22-ի «Անվտանգության կանոնները գազի տնտեսությունում տեխնիկական կանոնակարգը հաստատելու մասին» N2399-Ն և 2008թ. օգոստոսի 28-ի «Ավտոգազալիցքավորման ճնշակայանների կառուցման և շահագործման նվազագույն պահանջների տեխնիկական կանոնակարգը հաստատելու մասին» N1101-Ն ՀՀ կառավարության որոշումներով և 2014թ. հոկտեմբերի 14-ի, «Քաղաքաշինություն. Քաղաքների և գյուղական բնակավայրերի հատակագծում և կառուցապատում» հոդվածով հաստատված ՀՀ

Քաղաքաշինության նախարարի N263-Ն հրամանով և ապահովել «Հեղուկ վառելիքի սեղմված բնական կամ հեղուկացված նավթային գազերի մանրածախ առևտրի կետերում սանհանգույցներին առաջադրված պահանջները և շինարարական նորմերը» և դրանց հիման վրա հայտով նախատեսված լուծումները:

3. Շահագործման փուլում սահմանված կարգով Շրջակա միջավայրի նախարարություն ներկայացնել բազմավառելիքային կայանի սահմանային թույլատրելի արտանետումների նախագիծը և ջրօգտագործման և ջրահեռացման անհատական նորմերը:

4. ՀՀ կառավարության 2002 թվականի ապրիլի 20-ի «Պատմության և մշակույթի անշարժ հուշարձանների պետական հաշվառման, ուսումնասիրման, պահպանության, ամրակայման, նորոգման, վերականգնման և օգտագործման կարգը հաստատելու մասին» N438 որոշմամբ հաստատված կարգի 43-րդ կետի համաձայն, աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից անհրաժեշտ է դադարեցնել աշխատանքները և դրա մասին անհապաղ տեղեկացնել լիազորված մարմնին՝ համապատասխան պահպանական միջոցառումներ իրականացնելու համար:

ԵԶՐԱՓԱԿԻՉ ՄԱՍ

«Գազոյլ» ՍՊԸ-ի կողմից ներկայացված Լոռու մարզի Սարչապետ համայնքի Գոգավան բնակավայրի 1-ին փողոցի թիվ 10/5 հասցեում նախատեսվող բազմավառելիքային



լցակայան կառուցելու շրջակա միջավայրի վրա ազդեցության գնահատման հաշվետվության վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Գլխավոր մասնագետ



Յու. Մատինյան